

医验大成
四

嘔吐章

一人胸膈飽悶得食即吐身發寒慄脉息氣口盛于人迎二倍
乃飲食傷于脾胃：損則不能納脾傷則不能化所以吐食也
身寒慄者為沉痾于酒濕熱疾熱內鬱而外寒也宜和脾健胃
上下分消其濕治之

方

廣皮

半夏

茯苓

藿香

澤瀉

厚朴

山楂

白蔻

猪苓

乾葛

一人朝晨吐涎覺酸或魚苦沫間或頭暈耳鳴腸微痛腸中鳴
已患半年矣近來每旦作嘔較前為甚曾服導痰藥鮮効今脾
胃脉虛心部肝部弦急者乃胃氣滯脾土虛肝木旺心火上炎

也蓋胃熱則生嘔土虛不能制濕則生涎且火曰炎上炎上作
苦木曰曲直曲直作酸：屬肝而苦屬肝心治當平肝清心平
肝邪則脾不受侮清心火則胃不受熱而能司藏納矣

方 白芍 黃連 陳皮 藿香 厚朴 山梔 茯苓

吳茱萸 生薑 香椽

一婦嘔吐粒米不入者五六日魚頭眩胸膈如束不舒其脉沉
弦帶駛而無力此則中氣虛挾痰鬱為患耳宜補中清鬱為主

方 人參 廣皮 當歸 烏朮 加人乳竹瀝姜汁

蘇火時

一人嘔吐痰涎發熱作渴胸膈痞滿用清氣化痰降火之劑前
症益甚痰涎愈多六脉浮洪而大按之不鼓此係脾胃氣虛

陽上越之症正所謂內真寒而外假熱也治當溫補脾胃生發元陽則諸症自退矣

方 人參 白朮 茯苓 甘草 陳皮 木香 炮姜

半夏

一人胸腹脹痛嘈雜數日乃吐黑水而作酸吐後暖氣飲食少進前後洩俱不通利日輕夜重卧不得眠脉俱浮弦細弱此足太陰經虛失其運化之常則濁氣粗塞而為脹痛而為嘈雜也吐黑水者因土虛不能制水故膀胱之氣乘虛而侮其脾土經曰以不勝水侮其所勝土是也酸者木之所司脾土既虛水挾木勢而凌之為卧不得眠者經所謂胃不和則卧不寧也禁服

二陳四物及苦寒香燥之藥惟宜補中為主兼以順氣清氣之劑

方 人參 黃芪 歸身 香附 廣皮 神麴 黃芩

甘草 吳茱萸

一人素多悵鬱通于食際着惱遂致氣室塞不通濁氣上攻而作嘔脉息沉結治宜舒鬱

方 半夏 茯苓 廣皮 撫芎 香附 白芍 廣藿香

白豆蔻

一人久病少食聞穀氣即嘔吐無氣以動亦無氣以言時吐清涎而渴跌陽脉虛細此屬陽明大虛之症其渴者非火乃胃之

津液乾也宜用甘溫以益胃辛利以破嘔

方 人參 白朮 茯苓 甘草 陳皮 藿香 砂仁

神麴 陳米 姜 棗 用順流水煎沸泡伏龍

肝末攪澄取其清者煎藥徐溫服隨與陳米湯更送

而進

一人傷風咳嗽吐六脉浮而有力因風生熱生痰結胸中肺氣不順連嗽不止和痰吐出此咳嗽痰壅而然也

方 陳皮 半夏 甘草 茯苓 黃芩 葛根 前胡

桑皮 紫蘇

一人脉息沉細滑數叔和曰氣口數則為熱滑則為嘔紫虛曰

沉滑為酒病此酒毒所傷所以面赤口渴頭痛惡心懊懷煩躁嘔吐不寧也宜涼以折之

方 半夏 茯神 廣皮 甘草 葛根 黃連 姜汁

山梔 蘇葉 藿香

一人上部脉緊下部脉伏時覺有氣自上冲上即作嘔噦喘嗽此緣陰虛于下而令孤陽上浮正合脉法无陰則嘔之意宜滋養腎氣引火歸元

方 萸肉 山藥 澤瀉 茯苓 丹皮 熟地 肉桂

五味 砂仁 補骨脂

惡心葦

一人六脉弦滑右關為甚此脾濕太盛不能運化清濁致痰飲凝滯上中二焦故時常惡心氣不順而嘔吐涎沫即丹溪所謂胃中有熱膈上有痰也以清濕理氣益脾為主

方 半夏 橘紅 茯苓 甘草 山梔 黃連 蒼朮

厚朴 生薑

一人惡心吐虫惡數條服虫藥幾劑而吐愈多六脉皆細非虫病也乃臟寒而不安耳

方 人參 白朮 茯苓 甘草 花椒 廣皮 炮姜

一人脉平不遲不數或乍大乍小時常嘔惡流涎胃口時痛時惡心

止得食則稍愈面有白癰此虫家症也乃虫動則涎涎胃瘳則
令嘔宜用利氣酸苦之劑

方 半夏 茯苓 黃皮 厚朴 苦楝根皮 蔓荊子

花椒 烏梅

宋楚玉向嗜熱物則火酒不離時刺又兼好色于戊子七月中偶
冒風寒時熱時寒正值大比之年扶病而赴秋闈途中並覺漆
倒不能進場屋遂狼狽而歸：家教日下瘀血數升復加寒戰
大汗一日幾次次際大剖人參便有生机矣其如寒像家庸医
執方不肯送參淹滯兩月骨瘦如柴語言始而井：繼而蒙：
絕無頭緒然飲食大進尚有生机不意營血脫盡雖進人參而

究竟難于挽回

徐子淵乃堂年將望五旬有嘔吐忘胸前有一痞塊時升時下
痛楚異常至戊子六月嘔吐復作米粒不下所吐者如綿絮之
狀且黑色甚腥臭難聞愚謂久而不通如溝瀆然穢惡停積從
上而吐出為逆從下瀉去為順即用六君子湯加香附藿香水
香嘔吐遂止但從所下所去黑塊甚多瀉仍不減于六君子之
中仍加炒黑乾姜乃進粥五六碗如瀉不止當要用升柴以保
之也

一人小腹有一塊升上即吐諸友用六君子不効更有用黃連
者吐仍不止竟用生脉散而嘔吐漸愈

治嘔吐未治其風所以滿身疼痛

一富翁進香武林至中途嘔吐大作遍身疼痛不能轉側歸家就醫之療其嘔吐然眠食猶未安也召余診治余曰風入于經其脉乃凝留結不散寒痰中停四末不掉三焦不行亟疏其風亟調其經氣血和平轉側自能余先用蘇合丸以通其氣隨用導痰湯加桂枝芍藥沉香一劑而熟睡竟夕覺轉展自如矣後用六君子湯加沉香數劑而安

久病後氣血大虧不能運行以致腹痛作嘔

一人久患不足症服寒涼藥便覺安妥若服溫補之劑便種不通其為人也且多鬱多氣漸調理已有痊意一日偶患腹

痛叫號不止嘔吐盡許而吐尚未減如是者五六日痛時便有塊許多升上井下百般止嘔止痛藥服之不効大痛之後大黃又不敢輕用于劑中加玄明粉几錢始下極堅極寔者結塊數粒方痛嘔已也

脾胃虛弱不可行氣之劑

一友偶患寒寒將及月餘矣因食糯團子為食所傷自用自專竟消食降氣之劑有傷元氣此時稍進粥一杯許則腹左右痛不可忍必待手按摩之此痛方止余到問目下所服何方彼云補中益氣湯正合愚意然痛不止者何故蓋以多用水香之故也氣多弱而又欲行氣也有不痛之理余即以此方去木香一

味加參一錢服藥而痛竟立止矣食飲大進矣乃知醫之長短
止在藥之一二味也

翻胃章

一婦病翻胃每隔夜食飲至明日中晁皆吐出不化腹痛便秘
脉得之肌肉下且甚微而弱東垣云早食暮吐暮食早吐漫則
便秘為下焦吐也下焦從于寒：地道也故脉沉而微弱寒勝
格陽故令吐也其便秘者寒凝與氣謂之陰結也寒淫所勝平
以辛熱開其閉塞服以中焦藥和之不合大便秘而吐自止矣

方 人參 白朮 沉香 肉桂 炮姜 炙草 茯苓

陳皮

一人外感後兩關浮數餘熱未除口渴而苔面赤嘔噦此熱留
于陽明少陽兩經火氣炎上之象也東垣所謂上焦吐者是也

翻胃

當從氣治氣降而火亦降也

方 葛根 半夏 竹茹 甘草 廣皮 黃連

姜汁拌焙

枇杷葉 如不應加蘆根汁

原病式云有中焦吐者皆從乎積者氣與食之相搏也故石
關脉弦滑帶痰涎則噎酸飽悶作痛而吐則有物無聲病在
太陽胃經理宜消積行氣

方 半夏 茯苓 陳皮 香附 山楂 枳殼 藿香

神麴 麥芽

大都反胃隔症之作初始必因腹痛時有一塊升上升下後未
必成隔症也

傷寒章

奪食一木匠米某之子初患外感服藥以解他醫為病屬陰分已在死法中禁其飲食至七日後召予診治神思困頓四肢怠惰予診六脉和平胸腹按之不堅急問曰汝飢否病者不能言但默默點頭而已予曰身無病者病在奪食而已仲景曰人病脉不病名曰內虛以無谷氣神雖困無苦人以胃氣為本五臟六腑皆稟受于胃氣樞經云谷不入半日則氣衰一日則氣少矣故平人不食飲七日而死水谷精氣津液皆盡故也今病氣已除谷氣不進胃失所養五臟六腑俱無所稟故沉困怠惰君不急進康粥飢救此子矣命以粥漿慢慢飲之仍進白朮湯以扶胃

傷寒

八

氣五日而痊

傷寒不治症

一友因心事不快遂冒風寒用參散等劑身熱畧減進腐漿一杯見疹子無數一匡加升柴黃芩乾葛甘梗之類大汗連出三日不止頭上尤甚胸前煩悶頗有發狂之意叫號不止至十五日余至診得六脉時而散大時而細小時而雀啄此不治之脉也雖大進人參脉畧起現究竟不治而亡

因寒下早胸前痞悶叫號不止

一女年已十九偶遇風寒服散發散之劑已而全愈飲食太過繼而食復嘔吐不休勺水不進遂發疹痧且有斑色唇紅口渴